

Transcriptie - Les 1 - Middeleeuws schrift lezen voor beginners

1 monenen ter erenen den liden ende der passien ons herenen.
2 Somyghe schicken al oer werke ende ghedachtenen in
3 die passie ons herenen . ende dat is dat alre vullenco-
4 menste . ende we dat doen kan . die is die naeste . Ende
5 dit synt alle toepade die der leyden totten rijke der
6 hemmelen . Welc rijke ons verlene die lieue heer
7 ihesus cristus Amen . Hijr eyndet die passie ons herenen
8 myt oerre bedudynghen ende myttenen gheestlikenen synne
9 ¶ Hijr volghet voert na van der verrisenysen ons herenen
10 ende van sijnre oepenbaringhe . also als he em oepen-
11 baerde synen discipulen na den ghetughe ende woerdenen
12 der hilghen vier euangelisten . Ende ten yerstenen vol-
13 ghet hijr na van den euangeliumen datmen up paesch-
14 auent holt in den ampte der hilghenen myssen . welker
15 euangeliumen die hilghe euangelista matheus bescrijft.
16 Die yerste morghenstont . die daer luchten-
17 de was des yersten daghes van der weke . ende
18 so voert . Dat was secht beda . die eersame
19 preyster ihesus christus . die was die yerste ende
20 die nyeste daer den menschen salicheit of quam . als sunte
21 iohannes in apocalipsi van em scrift ende secht . Ick byn die
22 yerste ende die wterste of die nyeste . Ende doe wast lichten-
23 de doe god in der morghenstont denen menschen verloesde
24 mytter verrisenysen van der ewygher doet . ende van allenen
25 ouele ende van alre qualen daer die mensche mede verla-
26 den was omme adams onghehoersamheit willen . Die
27 yerste dach van der weke was die leste dach sijns lidens
28 doe hie uperrees vanen der doet . ende die menscheit sick ver-
29 enychde mytter godheit . daer ons salicheit of quamen . Want
30 die ghebuerte christi secht beda was een beghynsel onser
31 verlosynghen . meer syne verrisenisse was dat fundament
32 ende dat slot al onser salicheit . Gheestlic secht bernardus